



IPKO
Robert ERZIN
Drejtor
Prishtinë

Rasti Nr. 2016/216
Ref:1903/405/KPM/mf

VENDIM

**Lidhur me Rastin nr. 2016/216 – Komisioni i Pavarur i Mediave (KPM) për IPKO
TELECOMMUNICATIONS L.L.C. (Pala përgjegjëse)**

Faktet

1. Pala Përgjegjëse është pajisur me Licencë të KPM-së me datën 1 gusht 2018. Pranimi dhe nënshkrimi i Licencës obligon të Licencuarin që të veprojë në përputhje me Ligjin e KPM-së dhe me të gjitha aktet nënligjore të miratuara nga KPM.
2. Komisioni i Pavarur i Mediave (KPM) ka miratuar Rregulloren KPM-2016/01 për Shpërndarjen e Ofruesve të Shërbimeve Mediale Audio dhe Audiovizuale, e cila ka hyrë në fuqi më 28 korrik 2016. Me këtë Rregullore janë përcaktuar rregullat dhe procedurat për shpërndarjen e ofruesve të shërbimeve mediale nga ana e operatorëve, të cilët pavarësisht teknologjisë së përdorur, shpërndajnë përmbajtje audio dhe audiovizuale.
3. KPM, me qëllim të mbikëqyrjes së zbatimit të kësaj Rregulloreje nga ana e operatorëve të shpërndarjes, ka iniciuar monitorim specifik për disa aspekte të caktuara që konsiderohen si obligime të reja dhe shtesë që dalin nga Rregullorja KPM-2016/01.
4. KPM në bazë të Raportit të monitorimit të datës 13 tetor 2016 ka gjetur se Pala përgjegjëse nuk ka vendosur një sistem/opsion për ri-renditjen e kanaleve (katalogut të kanaleve) sipas kërkesës së klientit, siç obligohet me nenin 16, paragrafi 3 të Rregullores KPM-2016/01.
5. KPM pas të gjeturave nga Raporti i monitorimit, me datën 4 nëntor 2016 i ka dërguar Palës përgjegjëse Njoftim për shkelje, me të cilin e ka njoftuar për shkeljen e bërë dhe i ka kërkuar që në afat prej pesë (5) ditësh të veprojë në pajtim me Rregulloren KPM-2016/01. Po ashtu, në Njoftim është paralajmëruar që dështimi për të ardhur në pajtueshmëri, do ta shtyjë KPM-në të ndërmarë masa ligjore ndaj Palës përgjegjëse për shkeljet e bëra.

6. KPM me datën 10 nëntor 2016 ka pranuar një përgjigje nga Pala përgjegjëse, përmes së cilës pohon se Pala përgjegjëse mundëson ri-renditjen e kanaleve nëpërmes krijimit të listës favorite.
7. KPM ka bërë monitorim të dytë të Palës përgjegjëse në lidhje me ri-renditjen e kanaleve dhe ka gjetur se një gjë e tillë ende nuk është e mundur. Pala përgjegjëse mundëson vetëm krijimin e një liste favorite e cila e ruan logjikën e renditjes së kanaleve nga numri një deri në fund. KPM ka komunikuar edhe një herë me Palën përgjegjëse, me datën 15 nëntor 2016, duke ia argumentuar se pranuesi të cilin e posedon KPM nuk e mundëson ri-renditjen e kanaleve dhe duke ju kërkuar sqarime shtesë.
8. KPM me datën 23 dhjetor 2016 i ka dërguar Palës përgjegjëse edhe një shkresë, duke e njoftuar se nuk kishte pranuar përgjigje nga Pala përgjegjëse pas kërkesës për sqarime shtesë. Po ashtu, KPM me atë shkresë i ka kërkuar Palës përgjegjëse që në afat prej dhjetë (10) ditësh të ndërmarrë veprime konkrete për të ardhur në pajtueshmëri të plotë me Rregulloren KPM-2016/01, ose se në të kundërtën do të iniciohet procedurë ligjore në pajtim me nenin 30 të Ligjit të KPM-së.
9. KPM, me datën 30 dhjetor 2016 ka pranuar një përgjigje të dytë nga Pala përgjegjëse, në të cilën shpjegohet mënyra se si të krijohet lista favorite dhe ofruan mundësinë e takimit me teknikët e tyre për sqarime shtesë.
10. KPM në bazë të Raportit të monitorimit të datës 8 mars 2017 ka gjetur se edhe pas një monitorimi të po asaj date, Pala përgjegjëse nuk e mundëson ri-renditjen e kanaleve.
11. KPM me datën 13 mars 2017 ka pritur në një takim përfaqësuesit e Palës përgjegjëse, ku tekniku i tyre është munduar që të demonstrojë mundësinë e ri-renditjes së kanaleve. Por, edhe në atë takim KPM ia ka bërë me dije Palës përgjegjëse se ajo çfarë ata e quajnë ri-renditje nuk është ajo që kërkohet me Rregulloren KPM-2016/01.
12. KPM me datën 17 mars 2017 ka pranuar edhe një përgjigje nga Pala përgjegjëse, në të cilën edhe një herë pretendojnë se e mundësojnë ri-renditjen e kanaleve dhe na njoftojnë se nuk pajtohen me interpretimin e nenit me të cilin rregullohet ri-renditja e kanaleve.
13. KPM me datën 26 shtator 2017 nxori Vendim në të cilin Palën përgjegjëse e sanksionoi me Vërejtje dhe i kërkoi që nga data 1 janar 2018 të mundësojë ri-renditjen e kanaleve.
14. KPM me datën 25 tetor 2017 ka pranuar nga Pala përgjegjëse brenda afatit ligjor Ankesë ndaj Vendimit të Komisionit të KPM-së për Bordin për Ankesa.
15. Bordi për Ankesa përmes shkresës së datës 3 nëntor 2017 e ka njoftuar Palën përgjegjëse për jofunksionimin e Bordit për shkak të mungesës së kuorumit dhe e ka udhëzuar të veprojë konform dispozitave ligjore në fuqi.
16. KPM me qëllim të mbikëqytjes së zbatimit të Vendimit të Komisionit ka iniciuar monitorim me datën 19 janar 2018 dhe në bazë të Raportit të monitorimit të datës 24 janar 2018 ka gjetur se Pala përgjegjëse nuk e ka funksionalizuar mundësinë e ri-renditjes

